

Katakombet - Nga vetë origjina e fjalës

Katakomb - është një fjalë me origjinë greke, që vjen nga bashkimi i fjalëve Kata dhe Kumbas, që do të thotë afër vendit më të ulët - Kostandin Luçi Katakombet



Nga vetë origjina e fjalës Katakomb - është një fjalë me origjinë greke, që vjen nga bashkimi i fjalëve Kata dhe Kumbas, që do të thotë afër vendit më të ulët. Katakombet janë zbuluar në shumë vende si: në Romë, Anatoli, Maltë, Afrikën e Veriut, Paris, Sirakuzë, Trier, Aleksandri etj. Por katakombet e para u ndërtuan në Romë, ku numërohen mbi 40 të tilla, të cilat ndodhen përgjatë rrugës (Via) Apia, Ostiensis, Labikana, Tiburtina dhe Nomentana. Gjithashtu një pjesë e tyre mbajnë emrat e disa martirëve që janë varrosur në to. Ndërtimi i Katakombeve filloi në shekullin e 2-të. Në fillimet e tyre, ato përdoreshin nga të Krishterët për t'i shpëtuar persekutimit Romak, për të varrosur të vdekurit si dhe për të mbajtur mesha në fshehtësi. Pas shekullit të 5-të, edhe pse nuk përdoreshin më për vende për tu fshehur dhe varrimi, ato përdoreshin si vende për të kujtuar vdekjen e martirëve të

Krishterë. Fill, pas shekullit të 9, katakombet kaluan në harresë deri në kohën kur u rizbuluan në vitin 1578. Shkrimet nëpër muret e katakombeve dhe varreve që ndodhen në to, vizatimet, pikturat, janë një burim i madh për historinë e të Krishterëve të parë. Gjithashtu në këto katakombe gjejmë dhe pjesë vizatimesh nëpër mure që kanë të bëjnë me mrekullitë që na jepen në Ungjill. Ajo që katakombet na kanë dhënë përveç vizatimeve dhe shkrimeve janë dhe objekte të ndryshme si: vend ku pagëzoheshin njërëzit, kishëza etj. Por në vitin 313, në kohën kur perandori Shën Kostandini i madh, ndaloi persekutimin e të Krishterëve me Ediktin e Milanos në vitin 313, një pjesë e madhe e relikeve, u morën nga katakombet dhe u vendosën në kisha që u ngritën sipas emrave të shenjtorëve që kishin dhënë jetën në mbrojtje të besimit.



Foto, në figurë,tregon atë që njihet si Katakombi i Shën Domitilës, që nodhet në rrugën (Via) Ardeatina. E mori këtë emër, sepse ndodhej nën pronën e Flavia Domitilës, e cila ishte mbesa e një konsulli, Flavio Klementes, i cili në vitin 95, ishte martuar me të bijën e Perandorit Dominician (81-96). Pas ekzekutimit të Flavio Klementes(pasi ai kishte pranuar Krishtërimin) , mbesa e tij, Flavia Domitila, e cila u dënua me ekzil ose largim nga Roma (e cila ishte një e Krishtere e devotshme), një pjesë të pasurisë së saj i'a u dha të Krishterëve që ndodheshin në këtë katakomb që ndodhej poshtë pronës së saj.

radiongjallja.org